

आकाशवाणी

1. सरकार नै 2025-26 बरे लेई हाड़ी दी फसलें गितें घटोघट्ट मदादी भास बदाने आस्तें मंजूरी देई दिती ऐ।
2. प्रधानमंत्री नरेंद्र मोदी होर कल दिल्ली च अभिदामा दिवस ते पाली गी शास्त्रीय भाषा दे तौरा पर मान्यता देने आहले समारोह च शामिल होडन।
3. नेशनल कांफ्रेंस दे लीडर उमर अब्दुल्ला होरें केंद्र शासित प्रदेश जम्मू-कश्मीर दे मुखमंत्री दे तौरा पर अज्ज सगंध चुक्की लैती ऐ। प्रधानमंत्री नरेंद्र मोदी होरें आखेआ जे केंद्र सरकार उमर अब्दुल्ला ते उंदे दल कन्नै नेडमा तालमेल बनाइये कम्म करोग।
4. हरियाणा दे मौजूदा मुखमंत्री नायब सिंह सैनी होरें गी हरियाणा च भारतीय जनता पार्टी दे विधायक दल दा नेता चुनी लैता गेआ ऐ।
5. विदेश मंत्री डॉ. एस. जयशंकर होरें आखेआ जे सांझे यत्नै कन्नै संसाधनें गी किट्ठा, निवेश गी आकर्षित ते कारोबारी सरिस्ते दा विस्तार कीता जाई सकदा ऐ।

<><><><><><>

Cabinet-Decision

सरकार नै 2025-26 बरे लेई हाड़ी दी फसलें गितें घटोघट्ट मदादी भाह बदाने आस्तें मंजूरी देई दिती ऐ। सूचना ते प्रसारण मंत्री अश्विनी वैश्व होरें पत्रकारें गी मंत्रीमंडल दी बैठक च होए दे फैसले बारे जानकारी दिती। एह बैठक प्रधानमंत्री मोदी हुंदी अध्यक्षता च होग। श्री वैश्व होरें आखेआजे चिट्ठी सरेयां ते काली सरेयां दे भाएं च फही क्विंटल दे स्हाबै 300 मसुर दे भाएं च 275 रपे फही क्विंटल ते शोलें दी कीमत च 210 रपे फही क्विंटल दे स्हाबै बाददा कीता गेआ ऐ जदकि आटे दे भाएं च डेड सौ रपे प्रति क्विंटल दे स्हाबै बाददा कीता गेआ ऐ। मंत्री होरें आखेआ जे परियोजना दी लागत 2 जहार 642 करोड़ रपे होग। मंत्रीमंडल नै केंद्र सरकार दे कर्मचारिणें ते पिन्छनरें दे डी.ए च 3 फीसदी बाददे दी मंजूरी बी देई दिती ऐ। मंत्री होरें आखेआ जे इस बाददे कन्नै 49 लकख केंद्री कर्मचारियें ते 64 लकख पिंशनरें गी फायदा होग।

<><><><><><>

PM-Abhidhama-Diwas

प्रधानमंत्री नरेंद्र मोदी होर कल दिल्ली च अभिदामा दिवस ते पाली गी शास्त्रीय भाषा दे तौरा पर मान्यता देने आहले समारोह च शामिल होडन। इंटरनेशनल बुद्धिस्ट फेडरेशन ते संस्कृति मंत्रालय रलियै अभिधामा दिवस समारोह मना रदे न। प्रधानमंत्री होर अभिधामा दिवस ते पाली भाषा दी महता ते सरकार आस्सेआ बुद्धधामा दे संरक्षण ते बढ़ावा देने सरबंधदा यत्नै पर लौ पांगन। इस समारोह च संस्कृति ते सैलसफा मैहकमे दे मंत्री गजेंद्र सिंह शेखावत ते संसदीय मामले ते अल्पसंख्यक मामलें दे मंत्री किरेन रिजिजू होर बी शामिल होंगन।

<><><><><><>

Goyal-IFQM Symposium

केंद्री उद्योग ते कारोबार मंत्री पीयूष गोयल होरें आखेआ ऐ जे सरकार देश च इक मजबूत गुणवत्ता आहली परिस्थितिकी प्रणाली बनाने लेई 'जीरो डिफेक्ट, जीरो इफेक्ट' मंत्र कन्नै कम्म करा'रदी ऐ। उनें आखेआ ऐ जे पिछले 10एं बरें च भारत च गुणवत्ता नियंत्रण

च 106 उत्पादें थमां 732 उत्पादें तगर मती बद्दोबद्दी दर्ज कीती गई ऐ। गोयल होरें एह गल्ल अज्ज नमीं दिल्ली च पैहले इंडियन फाउंडेशन गुणवत्ता प्रबंधन संगोष्ठी दे खीरले सत्र गी संबोधित करदे होई आक्खी। 2047 दे विकसित भारत लेई राष्ट्रीय गुणवत्ता आंदोलन दा शासन विषे उप्पर बोलदे होई गोयल होरें आखेआ ऐ जे भारत नै मुख्य च इक इकोसिस्टम स्थापित कीता ऐ जेदे च खिलौने बनाने लेई सारे तत्व उपलब्ध करोआए जंदे न। मंत्री होरें उद्योग जगत दे नेताएं गी बी आखेआ ऐ जे ओह सरकार कन्नै रलियै कम्म करन तां जे गुणवत्ता आहली परिस्थितिकी प्रणाली गी सूक्ष्म, लौहके ते माध्यम उद्यममें यानि MSMEs तगर पजाया जाई सकै।

<><><><><><>

Swearing in JK

नेशनल कांफ्रेंस दे नेता उमर अब्दुल्ला होरें अज्ज केंद्र शासित प्रदेश जम्मू-कश्मीर दे मुखमंत्री दे तौर पर संगंधा लैती। उपराज्यपाल मनोज सिन्हा होरें उमर अब्दुल्ला ते उन्दे मंत्री परिषद गी संगंध दोआई। एह कार्यक्रम शेर-ए-कश्मीर अंतरराष्ट्रीय कन्वेंशन सेंटर श्रीनगर च आयोजित कीता गेआ। उमर अब्दुल्ला हुंदे अलावा नेशनल कांफ्रेंस दे नेता सुरेंद्र चौधरी होरें उप-मुखमंत्री ते सकीना इत्तू, जावेद राणा, जावेद डार ते आजाद मेदवार सतीश शर्मा होरें मंत्री दे तौर पर संगंध लैती। कांग्रेस अध्यक्ष मल्लिकार्जुन खड़गे, लोकसभा च विपक्ष दे नेता राहुल गांधी, समाजवादी पार्टी अध्यक्ष अखिलेश यादव, जम्मू-कश्मीर दी साबका मुखमंत्री महबूबा मुफ्ती ते इंडी गठबंधन दे होर कई नेता शपथ ग्रहण समारोह च शामिल होए।

<><><><><><>

PM-Omar

प्रधानमंत्री नरेंद्र मोदी होरें उमर अब्दुल्ला होरें गी जम्मू-कश्मीर दे मुखमंत्री दे तौर पर संगंध लैने लेई मुबारकबाद दिती ऐ। सोशल मीडिया पोस्ट च प्रधानमंत्री होरें उमर अब्दुल्ला होरें गी शुभकामना दितियां। उनें आखेआ जे केंद्र अब्दुल्ला ते उंदी टीम कन्नै नेइमा तालमेल बनाइये कम्म करोग तां जे जम्मू-कश्मीर दे लोकें दी प्रगति होई सकै।

<><><><><><>

BJP-Govt.

भारतीय जनता पार्टी दी जम्मू-कश्मीर इकाई दे प्रधान रविंद्र रैणा होरें उमर अब्दुल्ला होरें गी मुखमंत्री दे तौर पर संगंध लैने आस्तै अज्ज मुबारकबाद दिती। उनें मेद जाहिर कीती जे नमीं सरकार केंद्र शासित प्रदेश दी शांति ते प्रगति लेई कम्म करोग। अब्दुल्ला होरें अज्ज मुखमंत्री दे तौर पर संगंध लैता। 2019 च दफा 370 हटने मगरा एह पैहली चुनी गेदी सरकार बनी ऐ। रविंद्र रैणा होरें सुरेंद्र चौधरी होरें गी उपमुखमंत्री दे तौर पर संगंध लैने लेई बी मुबारकबाद दिती। उनें मेद जाहिर कीती जे नमीं सरकार प्रधानमंत्री हुंदे आस्सेआ शुरू कीते गेदे जत्नें गी अगगे बी जारी रक्खडन।

<><><><><><>

Farooq-Govt.

नेशनल कांफ्रेंस दे अध्यक्ष डॉ. फारूक अब्दुल्ला होरें आखेआ ऐ जे जम्मू-कश्मीर च बनी दी नमीं सरकार दौनें खितें दे लोकें दिएं समस्याएं ते तकलीफें दा हल करोग। पत्रकारें कन्नै गल्ल करदे होई फारूक अब्दुल्ला होरें आखेआ जे सरकार दौनें खितें कन्नै बरोबर ते इक्के नेहा व्यवहार करोग ते लोकें दिएं तकलीफें दा हल करोग।

<><><><><><>

Congress-Statehood

कांग्रेस अध्यक्ष मल्लिकार्जुन खड़गे होंरें जम्मू-कश्मीर दा राज्य दा दर्जा बहाल करने सरबन्धी उंदी पार्टी दे धेड़ये गी फही दोहराया। खबर एजेंसी कन्ने गल्ल करदे होई खड़गे होंरें आखेआ जे ओह उमर अब्दुल्ला होंरें आखेआ जे ओह उमर अब्दुल्ला होंरें गी मुबारकबाद देने लेई आए न। उनें इस गल्ला पर खुशी जाहिर कीती ऐ जे उंदी भ्याल पार्टी थवां कोई मुखमंत्री बनेआ ऐ। खड़गे होंरें आखेआ जे लम्में चिरै मगरा इत्थे लोकतंत्र बहाल होआ ऐ। कांग्रेस नेता गुलाम अहमद मीर होंरें लोके दे जनादेश दा सम्मान करने ते जम्मू-कश्मीर दा राज्य दा दर्जा बहाल करने दी अपील कीती। उनें आखेआ जे लोके एह जनादेश राज्य दा दर्जा बहाल करने लेई दिता ऐ ते एह पैहल एजेंडा ऐ।

<><><><><><>

PM-Sadasyta Abhiyan

प्रधानमंत्री नरेंद्र मोदी होंरें अज्ज भारतीय जनता पार्टी दे अध्यक्ष जे.पी नड्डा हुंदी मौजूदगी च सक्रिय सदस्यता अभियान शुरू कीता। इक सोशल मीडिया पोस्ट च श्री मोदी होंरें आखेआ जे इक पार्टी कार्यकर्ता दे रूपै च उनेंगी पैहला सक्रिय सदस्य बनाने उप्पर गर्व ऐ। उनें आखेआ जे इस अभियान कन्ने भारतीय जनता पार्टी जमीनी सतह पर होर मजबूत होग ते पार्टी कार्यकर्ता मुखै दी प्रगति च योगदान देडन। सक्रिय कार्यकर्ता बनने लेई इक कार्यकर्ता गी बूथ स्तर पर ओह विधानसभा सत्र पर 50 मिम्बर जोड़ने होंदे न।

<><><><><><>

Harvana-BJP

नायब सिंह सैनी होंरें गी हरियाणा च भारतीय जनता पार्टी दे विधायक दल दा नेता चुनी लैता गेआ ऐ। केंद्री गृह मंत्री ते पार्टी दी तरफा केंद्री निगरान अमित शाह होंरें पंचकुला च विधायक दल दी बैठक मगरा एह जानकारी दिती। उनें आखेआ जे बैठक च नायब सिंह सैनी हुंदे नां पर इक मत कन्ने सहमति बनी। सीनियर विधायक अनिल विज ते कृष्णा कुमार वेदी होंरें सैनी हुंदे नां दा प्रस्ताव रक्खेआ। केंद्री मंत्री अमित शाह ते मध्य प्रदेश दे मुखमंत्री मोहन यादव होंरें सैनी होंरें गी मुबारकबाद दिती। बीजेपी नै हरियाणा च नायब सिंह सैनी होंरें गी मुखमंत्री दे तौरा पर पेश करिये चुनां लड़ेया हा ते बड़ी जित हासिल कीती। सगंध समारोह कल पंचकुला च शालीमार मैदानै च होग।

<><><><><><>

SCO-Jaishankar

विदेश मंत्री एस. जयशंकर होंरें आखेआ ऐ जे अर्थ बवस्था ते विकास आस्तै रमानदारी मती जरूरी ऐ। उनें सोहगा कीता ऐ जे बन्ने पारा थमां होने आहली आतंकवादी, उग्रवादी ते अलगाववादी गतिविधियां बपार ते लोके दे बश्कार आदान-प्रदान गी बढ़ावा देने दे जतनें गी कमजोर करदियां न। अज्ज पाकिस्तान दे इस्लामाबाद च शंघाई सहयोग संगठन दे शासनाध्यक्षे दी परिषद दी 23मीं बैठक गी संबोधित कीता। विदेश मंत्री होंरें दस्सेया ऐ जे जलवायु दे खलाफ परिस्थितियां ते माली गड़बड़िये कन्ने मुख भरै च विकास ते बदने आहले गतिविधियां पैहले थमां गै प्रभावित होआ करदिआं न। उनें आखेआ जे राश्ट्रै बश्कार सहयोग, आपसी सम्मान, सम्प्रभुता दा मान ते खेत्तीय अखंडता पर आधारित होना लोड़चदा ऐ। बक्ख-बक्ख खेत्तरें च सहयोग दी लोड़ गी उजागर करदे होई डॉक्टर जयशंकर होंरें आखेआ ऐ जे सांझे जतनें कन्ने संसाधनें गी किट्ठा कीता जाई सकदा ऐ। निवेश गी आकर्षित कीता जाई सकदा ऐ ते कारोबारी नेटवर्क गी बधाया जाई

